


ANG DIOS MAGALUWAS KANIMO



Tun-i kini mahitungod sa Dios

Ang Dios nagasalikway sa tagsatagsa ka butang nga dautan.

Ang Dios buot magaluwas sa mga tawo.

Ang Dios magaluwas niadtong tanan nga mosugot Kaniya.

Ang Dios magaluwas kanimo.



Basaha kini gikan sa Biblia

Kusga sa pagbasa makalima nga balik

Ang Dios miingon kang Noe... pagbuhat ug usa ka sakayan. . . Ako magapadalag lunop sa tibuok kalibutan. . . Apan Ako magasaad sa pagpanalipod kanimo sulod sa sakayan. Genesis 6:12-14, 17, 18.

Mabuhat mo ba kini?

Isulat ang mga litra nga nangawala.

1. Ang Dios magaluwas niadtong tanan nga m.... ..
Kaniya.
2. Ang Dios nagsugo kang Noe sa pagbuhat ug usa ka s.... ..
....
3. Ang Dios magasalikway sa tagsatagsa ka butang nga d.... ..

Mga Tubag

1. mosugot
2. sakayan
3. dautan

Mga pulong nga imong pagatun-an

Ang pulong **Arka** maoy ngalan sa sakayan nga gibuhat ni Noe.

Ang **pagsugot** mao ang pagbuhat sumala sa gisugo sa imong isig ka tawo kanimo.

Ang **lunop** nagkahulogan nga ang tubig mitabon sa tibuok nga yuta.

Ang Dios magasalikway sa tanang butang nga dautan.



Badlisi ubos sa tanang pulong gikan niining timaan •ngadto sa•

Unsay imong pagabuhaton kon imong makita ang dunot nga camote sagol sa maayong mga camote?

Imong ilabay ang dunot nga camote ug ibilin ang mga maayo.

Kon dili nimo kini buhaton, ang dunot nga camote motakod ug magadaut sa maayong mga camote.

Ang Dios nagabuhat sa ingon niana usa ka panahon.

- Ang Dios kinahanglan nga maghinlo sa Iyang kalibutan sa dili pa ang tanan mahimong mga dautan.

Iyang gisalikway ang tanang pagpinatyanay ug pagpakig-away. Ang mga pamakak, panglimbong, malaw-ay nga mga pulong, ug uban pa nga mga sala.

- Ang Dios magahimo ug malinis, ug bag-o nga kalibutan.
- Ang tagsatagsa sulod niini maayo gayud.

Ang Dios buot magaluwas sa mga tawo.

Human si Enoch moadto sa langit ang mga tawo nagpadayon sa pagkadautan. Sila nagbuhat ug dautan sa tanang panahon. Si Noe ug ang iyang panimalay mao na lamang ang maayong mga tawo niadtong daan nga kalibutan.

•Ang Dios naghimo kang Noe nga Iyang katabang. •
Ang Dios nagsugo kang Noe: “Pagbuhat ug usa ka sakayan. Ako magapadala ug usa ka lunop. Ang mga tawo sulod sa sakayan mangaluwas.”




•Ang Dios nahigugma sa mga tawo ug buot magaluwas kanila. •
Iyang gisugo si Noe aron sa pagpasidaan sa katawhan, mahitungod sa lunop. Ang panimalay lamang ni Noe maoy mitoo sa gisulti ni Noe kanila. Ang asawa ni Noe ug tulo ka anak nga lalaki ug ilang mga asawa; mitoo sa Dios ug mitabang kang Noe sa pagtukod sa (arka) sakayan.



Samtang nagtukod si Noe sa sakayan ang mga tawo mikatawa. Sila miingon, “Ikaw usa ka buang sa imong pagsugot sa Dios.”

Si Noe Mihagit sa mga tawo sa pagsugot sa Dios. Mikatawa pag-usab ang mga tawo.



Sa nahuman na ang sakayan Ang Dios nagsugo kang Noe sa pagpuno niinig mga pagkaon, alang sa mga tawo ug alang sa mga mananap. Ang Dios magaluwas sa mga mananap usab. Si Noe ug ang iyang panimalay nagbuhat sa tanang gisugo sa Dios kanila nga ilang pagabuhaton.

Ang Dios magaluwas niadtong tanan nga mosugot Kaniya.


Ang mga mananap ug mga langgam miabot gikan sa nagkalain laing dapit. Dihay mga dagkung mga elepante. Dihay mga masaba nga mga onggoy.

Dihay mga dagkung langgam nga nanagsiyagit.

Dihay mga gagmayng langgam nga misulod sa (arca) sakayan.

Mga iring ug mga iro nanaglumbag sulod sa sakayan.

Mga manok ug uban pa misulod sa sakayan.



Si Noe ug ang iyang panimalay misulod usab.

Ug gitakpan sa Dios ang agianan.

Misugod pag bundak ang ulan. Miabot na ang lunop.

Ang tanang tawo ug uban pa nga mga binuhat nga gawas sa arca nangamatay . . . nangalumos.

Sila nga misugot sa Dios wala madaut sulod sa sakayan.

Ang Dios magaluwas kanimo.

Karon puno na usab sa kasalanan ang kalibutan.

Ang Dios magasalikway sa tanang butang nga dautan.

Apan ang Dios magaluwas kanimo kon ikaw mosugot Kaniya.

Hangyoa ang Dios sa pagluwas kanimo ug sa imong panimalay.

Pag-ampo

Ginoo, tabangi intawon ang akong panimalay ug kahigalaan aron sila motoo Kanimo ug sila maluwas gikan sa sala.

Tabangi kami sa pagsugot sama niadtong unang mga tawo nga nakakita sa arca ug misulod niini. Amen!



Karon sulati ang imong Talaan sa Tinun-an alang sa Leksyon 7

INTERNATIONAL CORRESPONDENCE INSTITUTE
PHILIPPINE NATIONAL OFFICE, P.O. BOX 1084, MANILA


ANG DIOS MOLUWAS KANIMO

KALINGAWAN NGA IMONG PAGABUHATON

Pagbutang ug mga mananap ug mga langgam sa sakayan ni Noe.

Makahimo ikaw sa pag gamit ug usa ka kahon o la mesa ingon nga (arka) sakayan. Pagbuhat ug mga mananap O mga langgam pinaagi sa papel, kahoy o lapok nga hagkot.

Unsaon ang pagbuhat ug hinulma: pagsagol ug tunga sa tasa nga harina ug ika-upat nga bahin lamang sa tasa nga asin. Dugangi ug igo lamang kadaghanon nga tubig. Sagola kini hangtud nga mahimong mahagkot kaayo. Pinaagi niini pagbuhat ug mga langgam ug mga mananap. Kon adunay mahibilin nga sinagol nga harina itago kini apan taboni ug basa nga panapton aron magamit ra sa gihapon.



PAHALIPAY! Karon katunga na sa kurso ang imong nahuman. Nalingaw ka ba sa mga leksyon? — Pagkatapus mo niining kursoha, aduna pay laing mga kurso nga imong matun-an.

Linawa sa pagsulat nga minuldi

Imong ngalan

Pinuy-anan nga pagadad-an

Petsa sa pagpadala



Pag guhit ug badlis ug isumpay ang tukma nga tubag.

- | | | |
|--|---|------------------|
| 1. Ang Dios nagluwas kang Noe kauban sa iyang | ● | ● lunop |
| 2. Si Noe nagtukod | ● | ● Dios |
| 3. Ang katawhan mikatawa lamang kang | ● | ● panimalay |
| 4. Si Noe ug ang iyang mga anak nga lalaki
misugot sa | ● | ● (arka) sakayan |
| 5. Ang Dios sa kanunay magabuhat niadtong | ● | ● Noe |
| 6. Ang Dios nagluwas kang Noe gikan sa | ● | ● Naluwas |
| 7. Si Noe nahigugma sa Dios ug siya | ● | ● matarung |
| 8. Ang mga tawo angay magsugot sa Dios | ● | ● karon |

Paghimo ug listahan sa imong panimalay ug mga kahigalaan nga buot nimong makaadto sa langit. Isulat ang imong ngalan sa unang badlis sa ibabaw.

.....

.....

.....

.....

Nakasulti ka na ba niining mga tawhana mahitungod sa Dios?

Pag-ampo alang kanila aron sila motoo sa gisulti sa Dios diha sa Biblia. Pag-ampo nga sila mangaluwas gikan sa sala ug makaadto sa langit. Gamita ang kaugalingon nimong mga pulong sa imong pagpakigsulti sa Dios alang kanila. Ang imong magtutudlo mag-ampo usab alang kanila.

Gibuhat mo na ba ang tanang pagabuhaton niini nga leksyon?

Grado

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE
PHILIPPINE NATIONAL OFFICE—P.O. BOX 1084, MANILA